

Pagbansay sa Atong Pinulongan

3



Talaan sa mga Hilisgotan

(Table of Contents)

Yunit I: AKÓ UG ANG AKONG ISIG KATAWO	1
Leksyón 1: Pagpailá sa Kaugalingon	1
Mga Pungán (Nouns)	6
Pangsagaran ug Pangpihò (Common and Proper Nouns)	6
Luhin sa Pungán (Gender of Nouns)	7
Leksyón 2: Mga Pangatahoran ug Pagtimbayâ	21
Pang-ihap ug Paningób nga Pungán (Count and Mass Nouns)	25
Mga Daghanang Porma sa mga Pungán (Plural Forms of Nouns)	27
Mga Pulong Pangatahoran (Courteous Expressions)	28
Leksyón 3: Mga Parte sa Lawas	42
Pagsulát og mga Kapahayag (Writing Sentences)	46
Sugpay ug Panayag sa Kapahayag (Subject and Predicate in Sentences)	46
Mga Matang sa Kapahayag Sumalà sa Gamit (Kinds of Sentences according to Use)	47
Leksyón 4: Pag-atimán sa Lawas	56
Mga Pulingán (Pronouns)	61
Uná, Ikaduhá ug Ikatulóng Panawo nga Pulingán (First, Second, Third Person Pronouns)	61
Leksyón 5: Mga Pagkaong Makapahimsog	72
Mga Pungway (Adjectives)	79
Pagtandì sa mga Pungway (Degrees of Comparison in Adjectives)	79

YUNIT 1

Akó ug ang Akong Isig Katawo



Leksyón 1. **Pagpailá sa Kaugalingon**

Mga Katuyoan:

1. Makapailá sa kaugalingon ug makig-ilaila sa ubán;
2. Makatukî sa mga Pungán (Nouns);
3. Makasutà sa mga Pungán nga Pangsagaran ug Pangpihò
(Common and Proper Nouns); ug
4. Makailá sa mga Luhin nga Pungán (Gender of Nouns) .



Ang atong pakighimamat sa ubán adunay lambigit nga responsibilidad. Ang maayong makiglambigit mohatag usáb og maayong kalamposan sa kinabuhi.



Buluhatón 1: Basahon Ta.

Basahon natò ang sugilagming.



Ang Pangandoy ni Marta

Sinulat ni Geraldine G. Soledad

Si Marta Santos natawo niadtong ika-napulò sa Hunyo usá ka libo ug siyám ka gatós kasiyamá+g limá sa dakbayán sa Talisay. Siya ang kinamagulangang anák nila ni Pedro Santos ug Perla Santos. Tuló sila ka managsoon. Ang iyang amahán usá ka mag-uuma ug ang iyang inahán usá ka tindera og utanón sa merkado.

Nagtunghà si Marta sa Sinubong Elementary School ubán ang iyang mga manghod. Si Marta giilá nga usá ka responsable, buotan, kugihán, ug utokan nga batà. Mitabang siya sa pag-atimán sa iyang mga manghod ug miabag usab siya sa ilang pagtuón. Human sa klase, tabangan niya ang iyang inahán sa pagpanghipos sa paninda.

Naandan na ni Marta nga mobasa ug magtuón sa iyang Leksyón matag gabii. Tungód niini, nakahumán si Marta sa elementarya nga adunay pasidungóg.

Nagpadayon pagtungà si Marta sa publikong tungaán sa hayskul. Nakahumán gyod siya nga aduna gihapoy pasidungóg. Malipayon kaayo ang iyang ginikanan. Pero aduna sila+y kabalaka nga maglisód og pagpaeskwela sa kolehiyo kang Marta tungód sa kawad-on.

Walá mawad-i og paglaom si Marta nga mahimong usá ka magtutudlò. Mikuhà og pasulit para "scholarship" si Marta. Tuod man, nakapasár siya og nahimong iskolar sa usá ka dakóng unibersidad sa dakbayán sa Sugbo. Sa iyang pagtungha, gidoble pa niya ang iyang paningkamót arón matabangan pod ang pag-eskwela sa iyang mga manghod. Walá niya panumbalinga ang mga nindot nga butáng nga makità niya sa iyang mga higala sama sa "cellphone", "ipod", ug ubán pang "gadgets".

Pangandoy niya nga makahuman siya sa kolehiyo ug mahimong magtutudlò. Karón, usá na siya sa nagtudlo sa Sinubong Elementary School. Mapasigarbohon kaayo ang iyang mga ginikanan nga nakab-ot ni Marta ang iyang pangandoy. Padayon gihapon siya sa pagtabang sa iyang pamilya. Usá siya ka maayo ug sulundon nga tinun-an sa ilang katilingban.